

Uunga siunnersuut: Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarnera pillugu Inatsisartut inatsisissaat

(Annikitsunik taarsigassarsititsisarnermik aaqqissuussinermi atorunnaarsitsinissamik ulluliinerup atorunnaarsinneqarnera, qinnuteqartunut piomasagaatinik sakkukinnerulersitsineq, pisortanut annertuunik akiitsulinnut tapiissuteqartarnerup killilerneqarnerata atorunnaarsinneqarnera aamma allatigut oqaasertalersuinerni allannguutit annikitsut)

(Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerinninneq

Isumaliutissiissutaannut Inuussutissarsiornermut Aatsitassanullu Ataatsimiititaliaq Naalakkersuisut qutsavigivaat.

Inatsisip akuersissutigineqarnerata kingorna allannguutit pillugit paasititsiniaanerup aallartinneqarnissaa kissaatigigitsik, ataatsimiititaliap isumaliutissiissumminni saqqummiuppaat. Naalakkersuisut tamanna aallartinniarpaat.

Isumaliutissiissutikkut ataatsimiititaliaq allannguutissatut siunnersuummik saqqummiussisimavoq, taassumalu qinnuteqartut pisortanut annertuumik akiligassanik akilerneqareersimasussaagaluanik akiitsullit tapiissutisisinnaannginnerat qulakkiissavaa.

Ataatsimiititaliap sulinerata peqatigisaanik aamma siunnersuutip siullermeerneqarnerani oqallinneq tunngavigalugu Naalakkersuisut aaqqiissutissamik, qinnuteqartut pisortanut akiligassanik akilerneqareersussaagaluanik akiitsullit pillugit ajornartorsiummik isumaginnissinnaasumik suliaqalereersimapput. Pingajussaaneerinninnermut atatillugu Naalakkersuisut allannguutissatut siunnersuummik saqqummiussiniarput tassungalu atatillugu piomasagaatit oqilisaavigineqarnerat taamaallaat annikitsunik taarsigassarsianut atuutsinneqarnissaat pillugu allannguutissanik saqqummiussissallutik.

Nalik Ventures-ip suliniutai aamma illoqarfiit annerusut avataannut annguttarnissaat pillugit ataatsimiititaliap kissaataanut tunngatillugu, kissaat taanna Naalakkersuisut isumaqatigilluinnarpaat. Tamanna Nalik Ventures-imut avitseqatigiissutigineqareerpoq aamma inuussutissarsiornermik siuarsaanermik atasumik suliaqarnerup ingerlaqqinnerani uteqqinneqarumaarluni.

Tamanna tunngavigalugu siunnersuut allannguutissatullu siunnersuut saqqummiunneqartoq akuersissutigineqassasut Naalakkersuisut innersuussutigaa.